



UGOVORNE STRANE

1. **Ekonomski fakultet u Sarajevu**, ul. Trg oslobođenja - Alija Izetbegović broj 1, 71000 Sarajevo (ID broj: 4200735430002), zastupan od strane dekana prof. dr. Kemal Kozarić (u daljnjem tekstu: **Naručilac**), i
 2. **"DISTI" d.o.o. Sarajevo**, ul. Safeta Zajke br. 2, 71000 Sarajevo, (ID broj: 4200077450002), zastupan od strane direktora Kurto Eldina, (u daljnjem tekstu: **Isporučitelj**),
 nakon provedene procedure javne nabavke po obavještenju o javnoj nabavci broj 101-7-1-10-3-8/17 objavljenom dana 15. 11. 2017. godine, Izvještaja o toku i završetku E-aukcije od 06. 12. 2017. godine i odluke o dodjeli ugovora br. 01-3-5855-R-5-13/17 od 07. 12. 2017. godine, zaključili su u Sarajevu dana 27. 12. 2017. godine

UGOVOR o isporuci roba

I PREDMET UGOVORA

Član 1.

Predmet ovog Ugovora je isporuka roba (stolni kompjuter) po obavještenju o javnoj nabavci broj 101-7-1-10-3-8/17 objavljenom dana 15. 11. 2017. godine specificirane u ponudi Prodavca broj 1860/17 od dana 22. 11. 2017. godine, koja čini sastavni dio ovog Ugovora.

II CIJENA I NAČIN PLAĆANJA

Član 2.

Ukupna vrijednost robe iz člana 1. ovog Ugovora, prema specificiranim količinama i ugovorenim jediničnim cijenama, iznosi 26.900,00 KM bez PDV - a, (slovima: dvadesetšesthiljadadevetstotina KM), odnosno 31.473,00 KM (slovima: tridesetjednihiljadačetiristotinesedamdesettri KM) sa PDV-om.

Član 3.

Plaćanje po ovom Ugovoru, **Naručilac** će izvršiti u roku od najkasnije 30 dana od dana izvršene isporuke robe. Kao dokaz izvršene isporuke prilaže se zapisnik o kvantitativnom i kvalitativnom prijemu predmetne robe, potpisan od strane osobe ovlaštene za kontrolu i prijem naručene robe. Ukoliko **Isporučitelj** ne isporuči robu u skladu sa zahtjevima iz tehničke specifikacije Ugovora, roba neće biti plaćena i stavit će se na raspolaganje **Isporučitelju**.

III ROK ISPORUKE

Član 4.

Isporučitelj se obvezuje da će robu iz člana 1. ovog Ugovora isporučiti u sjedište **Naručitelja** u roku od 30 dana od dana narudžbe ugovornog organa.

IV PRAVA I OBAVEZE ISPORUČITELJA

Član 5.

Isporučitelj je dužan:

- isporučiti robu prema zahtjevima **Naručitelja**
- izvršiti sve radnje neophodne da roba bude spremna za prijem kao što su: pakiranje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije,

Arslan



- odgovara za uredno izvršenje Ugovora prema važećim propisima, štiti prava i interese Naručioca, te ga obavještava o toku realizacije Ugovora,
- snosi sve rizike do konačnog prijema robe na krajnje odredište, u roku koji je propisan Ugovorom.

Član 6.

Isporučitelj garantira da je roba nova, nekorištena, i da u sebi sadrži sva najnovija poboljšanja u smislu dizajna, materijala ili izrade, osim ako takav izbor nije bio zahtjevan u specifikacijama od strane Naručioca. Isporučitelj garantira da roba odgovara za svrhu za koju treba da se koristi, da će funkcionirati kako je to navedeno u proizvođačkoj tehničkoj specifikaciji. Isporučitelj je obavezan osigurati garanciju proizvođača na isporučenu robu. Garantni rok na robu je naznačen za svaku stavku pojedinačno i teče od dana isporuke iste. Isporučitelj ne odgovara za štetu nastalu na proizvodima do koje je došlo uslijed neadekvatnog skladištenja, loše manipulacije od strane Naručioca ili uopće postupanja Naručioca suprotno propisanim standardima za čuvanje i manipuliranje isporučene računarske i druge robe.

V PRAVA I OBAVEZE NARUČIOCA

Član 7.

Naručitelj se obavezuje da:

- izvrši obaveze iz člana 3. ovog Ugovora,
- izvrši preuzimanje robe i da bude uz Isporučitelja pri provjeri iste. U ime Naručioca, kvantitativni i kvalitativni prijem predmetnog materijala, sačinjavanje i ovjeravanje zapisnika o kvalitativnom i kvantitativnom prijemu robe izvršit će osoba ovlaštena za prijem iste. U slučaju da se utvrdi da je roba oštećena ili neispravna, odnosno nesaobrazna sa narudžbom, o tome će se sastaviti poseban izvještaj i isti uputiti Isporučitelju da se u roku od 15 dana izjasni u pogledu utvrđenih nedostataka na robu.

Član 8.

Kao ovlašten predstavnik na praćenju izvršenja ugovornih odredbi, u smislu isporuke računarske i druge robe određuje se zaposlenik Ekonomskog fakulteta u Sarajevu, Bešić Elmir.

VI VIŠA SILA

Član 9.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 3 dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog Ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

VII ZAVRŠNE ODREDBE

Član 10.

Sporove po ovome Ugovoru, Ugovorne strane će riješiti sporazumno. Ako u postupku rješavanja spora ne dođe do rješenja, nadležan je Općinski sud u Sarajevu.

Član 11.

Sve izmjene ovog Ugovora mogu se vršiti isključivo i samo uz pismenu saglasnost Ugovornih strana.

Član 12.

Ovaj Ugovor stupa na snagu danom potpisivanja od strane ovlaštenih osoba Ugovornih strana.



Član 13.

Ovaj Ugovor sastavljen je u 5 (pet) istovjetnih primjeraka od kojih 3 (tri) primjerka Ugovora pripadaju Naručitelju, a 2 (dva) Isporučitelju.

ISPORUČITELJ

"DISTI" d.o.o. Sarajevo

Direktor, Eldin Kunto

Broj: 1438/17

NARUČITELJ

Ekonomski fakultet u Sarajevu

Dekan prof. dr. Kemal Kozarić

Broj: 01-3-5855-R-5-21/17

